



孫氏袖之文

下



鬢鏡後序

源氏鬢鏡者依源氏物語卷號著圖撰述
世誹諧發句爲篇雖曰玩物喪志而未可
始無意義也蓋源氏物語雖陽託醍醐
冷泉之聖朝而陰補史家失職之闕文走
筆於行事之蹟探趣於人情之願詞意艷
美以宛轉意義曲節而隱微是以不善讀
者誤人多矣三綱於禮男女之交情其於
善者則思周召之正風其不善者則刺鄭
衛之變音所以紫氏爲之私泣明皇貴妃
之綿恨其意可見也侈者示命途多差憂

者喻遇合有時縉紳鑑此以正朝儀君子
鑑此而明得失至若花晨憐霞以愛春日
之難永月夕悲露而傷秋山之易落詞林
攀材歌仙煉丹豈無能鑑此耶可謂紫氏
寶鑑也昔唐太宗曰人有三鑑以銅爲鑑
可正衣冠以古爲鑑可知興廢以人爲鑑
可明得失世讀源氏物語者無鑑於此寧
無耻紫氏之筆耶夫以當今之世干戈不
動治致泰平日既久矣民偃其風各鳴其
安則詭誹諧盛於古昔雖云未及風雅之
德而氣象溫和風俗不頑於是乎有可共



言者也。是以小嶋氏宗賢、鈴村氏信房共撰此篇。其要自依此篇以入紫室，便照寶鑑以內省也。見此篇者，無以鑑此則二氏之用心亦可耻也。所以其號源氏鬢鏡之微意，在茲哉。古人有源氏小鏡，又何意也。二氏乃雞冠氏令德門人，令德氏是松永氏貞德高弟也。二氏之於誹諧，其傳有所由來云。

萬治庚子臘月之日，偶應其需，妄識其後。

洛下素栢撰

江戶大傳馬三町目 鱗形屋校



萬治三庚子 1666



12147
Hekuda
1892



